



Ka Poresidente Henry B. Eyring
Mogakolodi wa Ntlha mo Boporesidenteng jwa Ntlha

Se Boife go Dira Molemo

Morena o re bolelela gore fa re ema ka tumelo mo lefikeng la gagwe, go belaela le poifo di a ngotlega; keletso ya go dira se se molemo go a oketsega.

Barwarre le bokgaityadi ba ba rategang, Ke rapela ka boikobetso gore Mowa wa Morena o nne le rona jaaka ke bua gompie-no. Pelo ya me e tletse ka malebogo go Morena, yo o Kereke e e leng ya gagwe, go tlhotlheletso e re e utlwileng mo dithapelo tsa tlhwaafalo, dithuto tse di tlhotlheleditsweng, le go opela ga seengele mo khonfrenseng e.

Moranang yo o fetileng, Poresidente Thomas S. Monson o neetse molaetsa yo o fuduileng dipelo go ralala lefatshe, go akaretsa le ya me. O buile ka thata ya Buka ya ga Momone. O re tlhotlheleditse go e ithutontsha, tlhatlhanya, le go diragatsa dithuto tsa yone. O solofeditse gore fa re tshwaela nako letsatsi le letsatsi go e ithutontsha le go tlhatlhanya le go tshegetsa ditaelo tse di mo Bukeng ya ga Momone, re tlaa nna le bopaki jo bo botlhokwa ka boammaaruri jwa yone, mme maduo a bopaki jwa ga Keresete yo o tshelang bo tlaa re gogela go tshireletso mo dinakong

tsa bothata. (Bona “The Power of the Book of Mormon,” *Liahona*, May 2017, 86–87.)

Jaaka bontsi jwa lona, Ke utlwile mafoko a moperofeti jaaka lentswe la Morena go nna. Mme, le gone jaaka bontsi jwa lona, Ka swetsa go obamela mafoko ao. Jaanong, e sale ke le mosimanyana, Ke utlwile bopaki gore Buka ya ga Momone ke lefoko la Modimo, gore Rara le Morwa ba iponaditse le go bua le Joseph Smith, le gore Baaposetole ba bogologolo ba tile go Moperofeti Joseph go buseletsa dilotlele tsa boperesiti go Kereke ya Morena.

Ka bopaki jo, Ke badile Buka ya ga Momone letsatsi le letsatsi go feta dingwaga tse 50. Gongwe ke kabo ke akantse gore mafoko a ga Poresidente Monson ke a mongwe o sele. Le ntswa, jaaka bontsi jwa lona, Ke utlwile kgothatso ya moperofeti le tsholofetso ya gagwe e ntaletsa go dira mo gogolo. Bontsi jwa lona lo dirile se ke se dirileng: go rapela ka maikaelelo a oketsegileng, ke

tlhatlhanya lokwalo le le boitshepo ka maikaelelo, le go leka thata go direla Morena le ba bangwe go Ene.

Maduo a a itumedisang go nna, le bontsi jwa lona, e nnile se moperofeti a se solofeditseng. Bangwe ba rona ba re tsereng kgakololo e e tlhotlheleditsweng mo pelong re utlwile Mowa thata mo go thabologileng. Re bone thata e kgolo go ganela thaelo mme re utlwile tumelo e kgolo mo go Jeso Keresete o o tsogileng, mo efangeleng ya Gagwe, le mo Kerekeng ya gagwe e e tshelang.

Mo pakeng ya go oketsega ga kgo-berego mo lefatsheng, dikoketsego tseo tsa bopaki di lelekile go belaela le poifo mme di tlisitse maikutlo a kagiso. Go tlhokomela kgakololo ya ga Poresidente Monson go nnile le ditirafatso tse pedi mo go nna tse di gakgamatsang: Lantlha, Mowa o o solofeditsweng o dirile tlhologanyo ya tsholofelo ka se se tlang, le fa jaaka khuduego mo lefatsheng e lebege a oketsega. Mme, la bobedi, Morena o nneetse—le wena—le e leng maikutlo a magolo a lorato la Gagwe go bao ba ba mo tlaelong. Re utlwile go oketsega mo go eletseng go namola ba bangwe. Go eletsa mo go ntse go le mo pelong ya bodiredi le thuto ya ga Poresidente Monson.

Morena o solofeditse lorato go ba bangwe le bopelokgale go Moperofeti Joseph Smith le Oliver Cowdery fa ditiro tse di fa pele ga bone di ne di lebege di ba khurumetsa. Morena o ne a re bopelokgale jo bo tlhokegang bo tlaa tla go tswa mo tumelong ya bone mo go Ene jaaka lefika la bone.

“Barwaake, se boifeng go dira molemo, gonne sepe fela se lo se jwalang, seo le tlaa se roba; ke gone

ka moo, fa lo jwala molemo le gone lo tlaa roba molemo e le tuelo ya lona.

“Ke gone ka moo, se boifeng, letsomanyane; dirang molemo, a lefatshe le molete di kopane kgatlhano le wena, gonne fa lo agilwe mo lefikeng la me, ga di kake tsa lo fenya.

“Bonang, ga ke lo sekise, tsamaya ditsela tsa lona mme lo se leofe: dirang ka tekano tiro e ke lo e laoletseng.

“Lebang kwa go nna mo kakanhong nngwe le nngwe, le sa belaele, le sa boife.

Bonang dinto tse di tlhakileng mo lethakoreng la me, le mabadi a dipekere mo diatleng tsa me le dikgato, lo nne boikanyego, tshetsang ditaelo tsa me, mme lo tlaa rua boswa jwa bogosi jwa legodimo” (D&C 6:33–37).

Morena o boleletse baeteledipele ba Gagwe ba Tsosoloso, e bile o a re bolelela, gore fa re ema ka tumelo mo lefikeng la Gagwe, go belaela le poifo di a ngotlega; keletso ya go dira molemo ya oketsega. Jaaka re amogela tale-tso ya ga Poresidente Monson ya go jwala mo dipelong bopaki jwa ga Jeso Keresete, re amogela thata, le keletso, le bopelokgale go namola ba bangwe re sena mabaka a matlhoko a rona.

Ke bone tumelo e o le bopelokgale dinako tse dintsi fa Baitshapi ba Malatsi a Bofelo ba lebagana le diteko tse di tshosang Sekai se le sengwe, Ke ne ke le mo Idaho fa tamo ya Teton e thubega Seetebosigo 5, 1976. Lebotana la metsi la wa. Diketekete tsa tshaba go tswa mo magaeng a bone. Diketekete tsa magae le dikgwebo di ne di senyegile. Mo go gagkamatsang, batho ba ba kwa tlase ga ga 15 ba ne ba bolawa.

Se ke se boneng koo, Ke se bone fa fela Baitshapi ba Malatsi a Bofelo ba ema ka thokgamo mo lefikeng la bopaki jwa ga Jeso Keresete. Gonne gabana pelaeleo gore O ba disitse, ga ba boife. Ba tlhokomolosa diteko tsa bone go ya go thusa ba bangwe. Mme ba dira se ka lorato go Morena, ba sa kope tuelo.

Ka sekai, fa tamo ya Teton e thubega, bobedi jwa Baitshapi ba Malatsi a Bofelo ba ne ba le mo loetong, dimaele kgakala le mo gae la bone. Ka bonako jaaka ba utlwa dikgang mo seromamoweng, ba itlhaganelela morago kwa Rexburg. Go na le gore ba ye kwa legaeng la bone go bona gore a lo senyegile, ba tsamaya ba batla bishopo wa bone. O ne a le mo kagong e e neng e dirisiwa jaaka lefelo la namolo. O ne a thusa go kaela diketekete tsa baithaopi ba ba neng ba goroga ka dibase tse di tshetlha tsa sekolo.

Bobabedi ba ya kwa go bishopo mme ba re, “Re buile. Bishopo, re ka ya go thusa kae?” O ne a ba neela maina a lelwapa. Bobabedi ba ne ba nna ba kgopa seretse le metsi mo legaeng le le lengwe go ya go le lengwe. Ba ne ba dira go tswa maku-ku go ya bosigo malatsi. Labofelo ba itapolosa go ya go bona leage la bone. Le ne le ile mo morwaleleng, le sa tlogela sepe go phepafadiwa Jalo ba boela morago ka bofefo go bishopo wa bone. Ba botsa, “Bishopo, a o na le mongwe yo re ka mo thusang?”

Kgakgamatso eo e e didimetseng ya bopelokgale le lorato—lorato le le itshekileng la ga Keresete—le ntse le ipoeletsa mo dingwageng le go ralala lefatshe. Go diragetse mo malatsing a boitshegang a dipogisego le diteko ka nako ya ga Moperofeti Joseph Smith mo Missouri. Go diragetse jaaka Brigham Young a etelela go fuduga go tswa Nauvoo le go bitsa Baitshapi go mafelo a sekaka gotlhe mo bophirima jwa United States, go thusana go bopa Sione wa Morena.

Fa o bala matseno a dijenale tsa bathobolodi, o bona kgakgamatso ya tumelo e leleka pelaelo le poifo. Mme o bala ka Baitshapi ba tlogela dikgatlhago tsa bone go thusa mongwe o sele wa Morena, pele fa ba boela kwa nkung ya bone kgotsa masimo a bone a a sa lengwang.

Ke bone kgakgamatso e e tswanang malatsi a makhutshwane a fetileng morago ga Ledimo Irma kwa Puerto Rico, Saint Thomas, le Florida,

koo Baitshapi ba Malatsi a Bofelo ba kopaneng le dikereke tse dingwe, ditlhophha tsa selegae tsa baagalani, le mekgatlo ya setshaba go simolola bonatla jwa go phepafatsa.

Jaaka ditsala tsa me mo Rexburg, nngwe ya bobabedi ba e seng maloko mo Florida ba tlhokomela go thusa baagalani go na le go dira mo lapeng la bone. Fa bangwe ba Baitshapi ba Malatsi a Bofelo ba baagisanyi ba batla go thusa ka ditlhare tse pedi tse ditona tse di kgoreletsang tsela, bobabedi ba tlhalosa gore ba khurumeditse mme jalo ba thusa ba bangwe, ba na le tumelo gore Morena o tlaa tlamela thuso e ba e tlhokang kwa legae la bone. Monna a abelana gore pele ga maloko a rona a kere a goroga go ka thusa, bobabedi ba ne ba rapela. Ba ne ba amogela karabo gore thuso e tlaa tla. E ne ya tla diouranyana morago ga tlhoma-miso eo.

Ke utlwile pego gore bangwe ba simolotse go bitsa Baitshapi ba Malatsi a Bofelo ba ba aparang dikipa tsa Diatla tsa Thuso tse di tshetlha “Baengele ba Basetlha.” Mongwe wa Moitshepi wa Malatsi a Bofelo o ne a isa koloji go baakangwa, mme monna yo a neng a mo thusa a tlhalosa “maitemogelo a semowa” a a neng a nna le one fa batho ba dikipa tse ditshetlha ba ntsha setlhare molapeng la gagwe mme jalo, a re, ba ne ba “nkopelela pina nngwe ka go nna ngwana wa Modimo.”

Monni mongwe wa Florida—le ene e seng wa tumelo ya rona—a bolela gore Baitshapi ba Malatsi a Bofelo ba tlile kwa lagaeng la gagwe fa a ne a bereka mo lelapeng le le gagabatsang, mme a ikutlwa a fekeetsega, a gotetse, mme a le gaufi le dikeledi. Baithaopi ba bopile, mo mafokong a gagwe, “kgakgamatso e e itshekileng.” Ba ne ba sa dire fela ka tlhwaafalo mme le gone kago tshaga le go nyenya, ba sa amogele sepe e le poelo.

Ke bone tlhwaafalo eo le go utlwa setshego fa, lata ka matlhatso, Ke lekola setlhophha sa Baitshapi ba

Malatsi a Bofelo mo Florida. Baithaopi ba ne ba emisa go phepafatsa ga bone sebaka se selekaneng go ntetla go ba dumedisa ka diatla. Ba ne ba re maloko a le 90 a lomapo la bone mo Georgia a dirile togamaano go kopana le bone mo namolong mo Florida bosigo pele ga foo.

Ba ne ba tlogela Georgia maphakela ka 4am, ba kgweetsa dioura, ba dira letsatsi lotlhe le bosigo, le leano la go dira letsatsi le le latelang gape.

Ba ne ba ntlhalosetsa gotlhe ka monyenyo le go tshameka mo go molemo. Bothata fela jo ba neng ba na le bone e ne e le gore ba batla go emisa go lebogwa gore ba boele tirong. Poresidente wa Lomapo o ne a dumisa shaga ya gagwe ya dikeetane mme o ne a dira mo setlhareng se seoleng mme bishopo o ne a sutisa ditokololo tsa setlhare fa re tsena mo koloi ya rona go ya go setlhophisa se se latelang sa namolo.

Pele mo letsatsing leo, jaaka re tsamaya go tswa lethakoreng le lengwe, monna yo mongwe a tla fa go rona fa koloing, a rola hutshe ya gagwe, mme a re lebogela baithaopi. O ne a re, “Ga ke leloko la kereke ya lona. Ga ke dumele se lo se re diretseng. Modimo a le segofatse.” Moithaopi wa LDS yo a neng a eme go bapa le ene ka sekipa se se setlha a nyenya le go mo sogotlha legetla jaaka ekete ga a tshwanelwa ke go galaletswa.

Fa baithaopi go tswa kwa Georgia ba tile go thusa monna yo a sa dumeleng, makgolo a Baitshhepi ba Malatsi a Bofelo go tswa mo karolong e e gagabatsang ya Florida baile makgolo a dimaele kwa borwa kwa lefelong le lengwe mo Florida kwa ba utlwileng gore batho ba amilwe thata.

Letsatsi leo ka gakologelwa le go tshaloganya botoka mafoko a seperofeti a ga Moperofeti Joseph Smith: Motho yo o tletseng ka lorato la Modimo, ga a itumelele go segofatsa lelwapa la gagwe fela, mme o ikgethela go ralala lefatshe lotlhe, a le tlhaga go segofatsa letso lotlhe la batho.” (*Teachings of Presidents of the Church: Joseph Smith* [2007], 426).

Re bona lorato le mo matshe-long a Baitshhepi ba Malatsi a Bofelo gongwe le gongwe. Nako le nako fa go na le tiragalo e e boitshegang mo lefatsheng, Baitshhepi ba Malatsi a Bofelo ba abela le go ithaopa go boitshoko jwa Kereke go setho sa batho. Boikuelo gantsi ga bo tlhokege. Ka nnete, mo ditiragalong dingwe, re ne re tshwanelwa ke go kopa e le baithaopi go ema go tsamaya go ya lefelong la namolo go fitlha bao ba kaelang tiro ba ipaakantse go ba amogela.

Keletso eo go segofatsa ke leungo la batho ba amogela bopaki jwa ga Jeso Keresete, efangele ya Gagwe, Kereke ya gagwe e Tsosolositsweng, le moperofeti wa Gagwe. Ke sone seo batho ba Morena ba sa belaeleng e bile ba sa boife. Ke sone seo baanamisa efangele ba ithaopela tirelo mo khutlong nngwe le nngwe ya lefatshhe. Ke sone seo batsadi ba rapelelang ba bangwe le bana ba bone. Ke sone seo baeteledipele ba gwetlhang banana ba bone go tsaya kopo ya Poresidente Monson go inwetsa Buka ya ga Momone mo pelong. Leungo ga letla ka go kopiwa ke baeteledipele mme ke banana le maloko ba dira ka tumelo. Tumelo eo, e tsengwa mo tirisong, e e tlhokang setlhabelo sa boineelo, e tliša phetogo ya pelo e e ba letlelelang go utlwa lorato la Modimo.

Dipelo tsa rona, le fa go ntse jalo, di nna di fetotswe fela fa jaaka re tswelela go sala morago kgakololo ya moperofeti. Fa re emisa go phanya morago ga go leka gangwe, phetogo e tlaa nyelela.

Baitshhepi ba Malatsi a Bofelo ba ba boikanyego ba okeditse tumelo ya bone mo go Jeso Keresete, mo Bukeng ya ga Momone jaaka lefoko la Modimo, le mo tsosolosong ya dilotlele tsa boperesiti mo Kerekeng ya Gagwe ya boammaaruri. Bopaki joo jo bo oketsegileng bo re neetse bopelokgale jo bogolo le go amega ka ba bangwe bana ba Modimo. Mme dikgwetlho le menyetla e e kwa pele e tla batla mo gontsi.

Re ka se bone ka botlalo, mme re itse setshwantsho se se tona. Re a itse gore mo malatsing a bofelo, lefatshe le tlaabo le le mo khuduegong. Re a itse gore mo gare ga mathata ape a tlang, Morena o tlaa kaela baitshhepi ba Malatsi a Bofelo go tsaya efangele ya ga Jeso Kerete go tshaba nngwe le nngwe, lotso, teme, le batho. Mme re a itse gore barutwana ba boammaaruri ba Morena ba tlaa itekanela le go ipaakanyetsa go mo amogela fa a tla gape. Re tlhoka go sa boife.

Jalo, jaaka re setse re agile tumelo le bopelokgale mo dipelong tsa rona, Morena o solofetse mo gontsi mo go rona—mme go tswa mo masikeng morago ga rona. Ba tlaa tlhoka go nonofa le go nna pelokgale ka ntsha ya gore ba tlaa dira le e leng mo gogolo le dilo tse di thata go feta jaaka re dirile. Mme ba tlaa lebagana le koketsego ya kganetso go tswa go mmaba wa mewa ya rona.

Tsela ya go nna le tsholofelo jaaka re ya pele e neetswe ke Morena: Lebang kwa go nna mo kakanyong nngwe le nngwe; se belaele, se boife (D&C 6:36). Poresidente Monson o re boleletse ka fa re ka dirang jalo. Re tshwanetse go tlhatlhanya le go diragatsa Buka ya ga Momone le mafoko a baperesiti. Rapela ka metlha. O dumele. Direla Morena ka pelo yotlhe ya gago, maatla, tlhaloganyo, le nonofo. Re tshwanetse go rapela ka nonofo yotlhe ya dipelo tsa rona go neo ya lorato, lorato le le itshekileng la ga Keresete (bona Moroni 7:47–48). Godimo ga tsothle, re tshwanetse go tlhomama le go tatalala mo go saleng morago kgakololo ya seperofeto.

Fa tsela e le thata, re ka ikaega ka tsholofetso ya Morena—tsholofetso e Poresidente Monson a re gakolotseng fa kgapetsa kgapetsa a umaka mafoko a a Mmoloki: Ope yo o go amogelang, koo le gone ke tlaa nna teng, gonne ke tlaa tsamaya fa pele ga gago. Ke tlaa bo ke le mo seatleng sa lona sa moja le mo molemeng wa lona, mme Mowa wa me o tlaa nna mo dipelong tsa lona, mme baengele

ba me go lo dikaganyetsa, go lo tshegetsa” (D&C 84:88).

Ke paka gore Morena o tsamaya fa pele ga lona fa lo le mo taetsong ya Gagwe. Nako tse dingwe o tlaabo o le moengele yo Morena a tlaa mo romelang go tshegetsba ba bangwe. Nako tse dingwe o tlaabo o le mongwe yo o dikaganyeditsweng ke baengele go go tshegetsba. Mme ka metlha o tlaa nna le Mowa wa gagwe go nna mo pelong ya gago, jaaka o solofeditse mo tirelong nngwe le nngwe ya sakaramente. O na le fela go tshegetsba ditaello tsa Gagwe.

Matsatsi a siameng a kwa pele go bogosi jwa Modimo mo lefatsheng. Kgaretso e tlaa nonotsha tumelo ya rona mo go Jeso Keresete, jaaka e dirile e sale malatsi a ga Moperofeti Joseph Smith. Tumelo ka metlha e fenyana poifo. Go ema mmogo go tliša bongwefela. Mme dithapelo tsa gago go bao ba ba thokang di a utlwiwa le go arabiwa ke Modimo o lorato. Ga a oitse le fa e le go robala.

Ke fa bopaki jwa me gore Modimo Rraetsho o a tshela e bile o batla o tla gae kwa go Ene. Se ke Kereke ya boammaaruri ya Morena Jeso

Keresete. O a go itse, O a go rata, O go tlhokometse. O lefetse dibe tsa gago le tsa me le dibe tsa botlhe bana ba ga Rara wa Legodimo. Go mo sala morago mo botshelong jwa gago le mo go direleng ba bangwe ke tsela e lengwe go botshelo jo bosakhutleng.

Ke a paka le go go tlogelela tshegofatso ya me le lorato la me. Mo leineng le le boitshepo la ga Jeso Keresete, amene.

Dithuto tsa Nako ya Rona

Go tswa ka Ngwanatsele 2017 go ya Moranang 2018, Bopresiti jwa ga Melekisetse le Mokgatlho wa Thuso mo di Sontageng tsa bone di tshwanetse go baakanyetsa go tswa mo nngwe kgotsa digwe tsa dipuiso tse di neetsweng mo khonforenseng ya kakaretso ya Phalane 2017. Ka Moranang 2018, dipuiso di ka tlhophiwa go tswa gongwe khonforense ya kakaretso ya Moranang le Phalane. Bopresidente ba Lomapo le dikgaolo ba tshwanetse go tlhophisa dipuiso tse di tlaa dirisiwang mo mafelong a bone, kgotsa ba ka abela maikarabelo a go bobishopo le bopresidente ba makala.

Dipuiso tse diteng ka dipuo tse dintsi kwa conference.lds.org.



Ka Poresidente Dieter F. Utchtdorf
Mogakolodi wa Bobedi mo Boporesidenteng jwa Ntlha

Bokgaisadi ba Bararo

Re na le maikarabelo a borutwana jwa rona, mme bo na le go le gonnye—fa gongwe—go dira ka tsela e re tsayang ba bangwe ka teng.

Bokgaisadi ba ba rategang, ditsala tse di rategang, go simolola khonforense ya kakaretso ka phuthego ya bokgaisadi lefatshe ka bophara go kgethegile e bile go a gakgamatsa. Gopola: bokgaisadi ba dingwaga tsothle, mo go fetileng, ditshaba, le dipuo di kopane ka tumelo le lorato go Morena Jeso Keresete.

Jaaka re sa tswa go kopana le moperofeti wa rona yo o rategang, Poresidente Thomas S. Monson; o ne a re itsese ka fa a ratang Morena ka teng. Mme Ke a itse gore Poresidente Monson o itumelela thata lorato la lona, dithapelo tsa lona, le go ineela ga lona go Morena.

Bogologolo mo lefatsheng le le kgakala go ne go tshela lelwapa la bokgaisadi ba bararo.

Kgaisadi wa ntlha o ne a le **pelo botlhoko**. Sengwe le sengwe go tswa ka nko go ya seledung le go tswa ka letlalo la gagwe go dikgato di ne di lebeaga di se molemo mo go lekaneng go ene. Fa a bua, mafoko a gagwe nako tse dingwe a ne a tswa a le boatla, mme batho ba tshega. Fa mongwe a mo kgala kgotsa “a lebala” go mo laletsa sengwe, o ne a bifa, a

tsamae, mme a batle lefelo la sephiri kwa a tlaa ntshetsang bo pelo botlhoko teng ka phegelo mme a gagamalela go re ka goreng botshelo bo nna tsididi e bile bo sa itumedise.

Wa bobedi o ne a **tlhakane tlhogo**. O ne a akanya gore o tshatshama baba thata, mme go ne go na le mongwe ka metlha o sele yoo tshwarang kwa godimo mo ditlhatlhobong kwa sekolong. O ne a akanya gore wa tshegisa, o montle, o bopegile, e bile a kgatlhisa. Mme ka metlha, go ne go lebeaga go na le mongwe o tshegisang, yo o montle, yo o bopegileng thata, kgotsa o kgatlhisang thata.

E ne e se wa ntlha mo go sepe, mme se o ne a seka a se itshokela. O ne a gopola gore botshelo ga bo tshwanela go nna ka tsela e!

Nako tse dingwe o ne a seolela go ba bangwe, mme o ne a lebeaga ka metlha a le kgakajana le go gatelelwa ke selo kgotsa se sengwe.

Ee, se se ne se sa mo dire gore a ratiwe thata kgotsa a itsege. Nako tse dingwe o ne a shena meno, a mena feisi, mme a akanya, “Botshelo ga bo a siama!”

Jalo go ne go na le kgaisadi wa boraro. Jaaka e seng kgaisadi wa

gagwe o o pelo botlhoko le o tlhakaneng tlhogo, o ne a—siame, a **itumetse** Mme e ne e se ka ntlha ya go tshatshama baba kgotsa go nna montle thata kgotsa go nonofa go feta bo kgaisadie. Nnya, batho nako tse dingwe ba ne ba mo tshaba kgotsa a mo tlhokomologa le ene. Nako tse dingwe ba ne ba mo ja setshego ka se a se apereng kgotsa dilo tse a di buang. Nako tse dingwe ba ne ba bua dilo tse di maswe ka ene. Mme o ne a seka a letlelela sepe sa tseo go mo tshwenya thata.

Kgaisadi o o ne a rata go opela. O ne a sena molotsa o mogolo, mme batho ba ne ba tshega ka ga gone, mme seo se ne sa seka sa mo emisa. O ne a nna a re, Ga ke na go letlelela batho ba bangwe le megopolo ya bone go nkemisa go opela.

Nnete tota ya gore o ne a tswela a opela e ne ya dira gore kgaisadie wa ntlha a nne pelo e botlhoko mme kgaisadie wa bobedi a tlhakane tlhogo.

Dingwaga tse dintsi tsa feta, mme kgabagare mongwe le mongwe wa bo kgaisadi a fitlha fa bokhutlong jwa nako ya gagwe mo lefatsheng.

Kgaisadi wa ntlha, o a boneng gangwe le gape gore go ne go sena khutswafatso ya go kgobega marapo mo botshelong, kgabagare a swa *a le pelo e botlhoko*.

Wa bobedi, yo o tsatsi le letsatsi a boneng sengwe se sesha se a ka se se rateng, a swa *a tlhakane tlhogo*.

Mme kgaisadi wa boraro, yo a tse-reng botshelo jwa gagwe a opela pina ya gagwe ka maatla otlhe a gagwe le go tshepa monyenyo mo sefatlhong sa gagwe, a swa *a itumetse*.

Ee, botshelo ga bo motlhofo, e bile batho ga bake ba nna mo seemong

se le sengwe jaaka bokgaisadi ba bararo mo polelong e. Mme le e leng dikai tse di feteletseng jaaka se se ka re ruta sengwe ka ga rona. Fa o le jaaka bangwe ba rona, o ka bo o lemogile karolo ya gago mo mongwe, babedi kgotsa gongwe botlhe ba bararo ba bo kgaisadi ba. A re lebelele mongwe le mongwe ka kelothoko.

Motswasetlhabelo

Kgaisadi wa ntlha o ipone jaaka motswasetlhabelo—jaaka mongwe o a neng a direlwa.¹ Go lebega eke-te selo se le sengwe morago ga se sengwe se ne se mo diragalela go mo tlhomola pelo. Ka tsela e ya botshelo, o ne a neela ba bangwe taolo ka fa a ikutlwang ka teng le go itsaya. Fa re dirase, re kgweetswa ke phefo nngwe le nngwe ya mogopolo—mme mo letsatsing le la ditlhaeletsanyo tsa setho, diphefo tseo di foka ka bokete jwa ledimo.

Bokgaisadi ba ba rategang, ke eng go neela boitumelo jwa lona go mongwe, kgotsa setlhopho sa bangwe, ba ba sa kgathaleleng go le gonnye ka ga wena kgotsa boitumelo jwa gago?

Fa o iphitlhela o tshwenyegile ka se ba bangwe ba se buang ka ga wena, nka go fa mogopolo o: gakologelwa gore o mang. Gakologelwa gore o wa ntlo ya segosi ya bogosi jwa Modimo, barwadi ba Batsadi ba Legodimo, ba ba busang go ralala lefatshe.

O na le DNA ya semowa ya Modimo. O na le dineo tse di kgethegileng tse di tlhologileng motlholegong ya gago ya semowa e bile e tlhabolotswe nako e kgolo ya boalo jwa botshelo jwa pele jwa gago. O ngwana wa ga rraetsho wa legodimo o o mautlwelobotlho wa bosenang phelelo, Morena wa Masomosomo, Mongwe yo o bopileng lefatshe, a phatlalatsa go dikologa ga dinaledi go ralala bogolo jwa boalo jwa lefaufau, mme a tlhome dipolanete mo go dikologeng ga tsone.

O mo diatleng tsa gagwe

Diatla tota tse di siameng.

Diatla tsa lorato

Diatla tsa tlhokomelo.

Mme ga go sepe ope a ka se buang ka ga wena se ka se fetola. Mafoko a bone ga a na bokao go tshwan le seo Modimo a se buileng ka wena.

O ngwana wa gagwe o o rategang.

O a go rata.

Le fa o kgojwa, le e leng fa o mo furalela, Modimo o a go rata. Fa o ikutlwa o latlhegile, o tlogetswe, kgotsa o lebetse—se boife Modisa o o Molemo o tlaa go bona. O tlaa go tsholeletsa mo magetleng a gagwe. Mme O tlaa go isa gae.²

Bokgaisadi ba me ba ba rategang, tswee tswee a boammaaruri jo jwa selegodimo bo nwele mo boteng jwa dipelo tsa lona. Mme lo tlaa bona gore go na le mabaka a mantsi gore lo se nne pelo botlhoko, gonne lona le bowelo jwa bosakhutleng go bo diragatsa.

Mmoloki yo o rategang wa lefatshe o neetse botshelo jwa gagwe gore o ka ithlaphela go dira bowelo boammaaruri. O itsetse go wena leina la Gagwe; lo barutwana ba Gagwe. Mme ka ntlha ya Gagwe, lo ka ikapesa ka diaparo tsa kgalalelo ya bosakhutleng.

Motlhoi

Kgaisadi wa bobedi o ne a galefetse lefatshe. Jaaka kgaisadie o pelo e botlhoko, o ne a ikutlwa gore mathata mo botshelong jwa gagwe bo ne bo dirwa ke mongwe o sele. O ne a pega molato lelwapa la gagwe, ditsala tsa gagwe, mogolwane wa gagwe le babereki ka ene, mapodisi, baagisanyi, baeteledipele ba Kereke, kapari e e fetogang ya malatsi a, le e leng bokete jwa go tuka ga letsatsi le botlhoko madimabe. Mme fa a seolwa go tswa mo go tsone tsothle.

O ne a sa akanye ka e le motho yo o seapu. Mogosa tshwaneng, o ne a ikutlwa e le ene a ikgomaretseng. Mongwe le mongwe o sele, o ne a dumela, o ne a kgothatswa ke bope-lotshelha, go nyatsega, le lethoo. Ene, mo lethakoreng le lengwe, o ne

a kgothatswa ke maikaelelo a molemo—tshiamo, seriti, le lorato.

Le fa gontse jalo, kgaisadi o o tlhakaneng tlhogo tsela ya go akanya ga gagwe gone go tlhwaeselegile. Se sene sa lemogwa mo ithutontshong e e tlhotlhomisang kgotlhang ma gareng ga ditlhopho tsa bagadikane. Jaaka karolo ya ithutontsho, ba batlisisi ba botsolotsa Mopalesitane le moiserale mo Bogare jwa Botlhaba, le Republican le Democrats mo United States. Ba lemoga gore “le tlhakore lengwe le lengwe ba utlwa gore setlhopho sa bone [se ne] se kgothatswa ke lorato go na le lotlho, mme fa ba botswa gore ke eng setlhopho sa bagadikane [se ne] se tseneletse mo kgotlhang e, [ba] ba supa lethoo jaaka [nngwe] ya boleng jwa kgothatswo ya setlhopho.”³

Ka mafoko a mangwe, setlhopho sengwe le sengwe se a ikanyetsa jaaka “ba ba molemo”—tekatekanyo, ba siame, le boammaaruri. Mo go tshwanang, ba bona bagadikane ba bone jaaka “ba ba sa siamang”—ba tlhokakitso, ba sa ikanyege, le e leng bosula.

Mo ngwageng o ke tshotsweng ka one, lefatshe le ne le tsene mo ntsweng e e boitsheng e e tlisiseng botlhoko jo bo ngomolang pelo lebotlhoko jo bo lailang lefatshe. Go ne go na le ntwana e e dirilweng ke tshaba ya me—ka setlhopho sa batho ba ba boneng ditlhopho dingwe jaaka bosula mme ba rotloetsa lethoo mo go bone.

Ba ne ba didimatsa bao ba neng ba sa ba rate. Ba ba tlhabisa ditlhong le go ba sulafaletsa. Ba ne ba tsaya ba le babotlana—le e leng go fetwa ke setho. Fela fa o nyatsa setlhopho sa batho, o ka iphitlhela o siamisa mafoko le ditiro tsa boganka kgatlanong le bone.

Ke tsitla marapo fa ke akanya ka se se diragetseng mo Jeremane wa makgolo a 20.

Fa mongwe a re ganetsa kgotsa a sa dumalane le rona, go a raela go akanya gore go na le sengwe se se phoso ka bone. Mme go tswa foo ke

kgato e nnye go kopanya dikgothatso tse di maswe bogolo go mafoko le ditiro tsa bone.

Ee, re tshwanetse ka metlha re emele se se siameng, mme go na le dinako fa re tshwanelwa ke go kuka mantswe go seo. Le fa go ntse jalo, fa re dira se ka bogale kgotsa lethoo mo dipelong tsa rona—fa re seola ba bangwe go ba tlhokofatsa, ditlhong, kgotsa re ba didimatsa—sedimogo ke gore ga re dire seo ka tshiamo.

Mmoloki o rutile eng?

“Ke a lo raya, Ratang baba ba lona, segofatsang ba ba lo hutsang, dirang molemo go bone ba ba lo ilang, mme lo ba rapelele ba ba lo dirisang ka lenyatso le go lo bogisa;

“Gore lo ka nna bana ba Rraeno yo o kwa legodimong.”⁴

Se ke tsela ya Mmoloki. Se ke kgato ya ntlha mo go thubaganyeng dikgoreletsi tse di dirang bogale jo bontsi, lethoo, kgaogano, boganka mo lefatshe.

“Ee,” o ka re, “Ke ka eletsa go rata mmaba wa me—fa fela ba ne ba eletsa go dira mo go tswanang.”

Mme seo ga se reye sepe, ga se gone? Re na le maikarabelo a borutwana jwa rona, mme bo na le go le gonnye—fa gongwe—go dira ka tsela e re tsayang ba bangwe ka teng. Le mororo re solofela gore ba tlaa tlhaloganya le ka lorato, mme lorato la rona go *bone* ga le a ikaega ka maikutlo a *rona*.

Gongwe boitshoko jwa rona go rata baba ba rona bo tlaanolofatsa dipelo tsa bone le go ba rotloeletsa molemo. Gongwe ga go ka ke. Mme seo ga se fetole maikaelelo a rona go sala Jeso Keresete morago.

Jalo, jaaka maloko a Kereke ya ga Jeso Keresete, re tlaa rata baba ba rona.

Re tlaa fenya bogale kgotsa lethoo.

Re tlaa tlatsa dipelo tsa rona ka lorato go bana botlhe ba Modimo.

Re tlaa tswela ntle go segofatsa ba bangwe le go direla go bone—le e leng bao ba ba ka “dirisang ka lenyatso le go re bogisa.”⁵

Morutwana o o Ikanyegang

Kgaitisadi wa boraro o emetse morutwana o o ikanyegang wa ga Jeso keresete. O ne a dira sengwe se se ka nnang thata go dirwa: o tshepile Modimo le e leng mo sefatlhogong sa tshotlo le bothata. Ka gongwe o ne a nitamisa tumelo le tsholofelo, le fa a sotlwa le nyefolo e mo dikologile. O ne a tshela ka boitumelo e seng ka gore diemo tsa gagwe di ne di itumedisisa mme ka gore one a itumela.

Ga go ope wa rona yo o fitlhelelang loeto la botshelo a sa ganediwe. Ka dithata tse dintsi di leka go re gogela, re tshegetsang jang pono ya rona e tlhomame mo boitumelo jo bo galalelang jo bo solofeditsweng ba baikanyegang?

Ke dumela gore karabo e ka bonwa mo torong e moperofeti a nni-leng le yone diketekete tsa dingwaga tse di fetileng. Leina la moperofeti yoo ke Lehi, toro ya gagwe e gatisitwe mo Bukeng ya ga Momone e e rategang e bile e gakgamatsa.

Mo torong ya gagwe, Lehi a bona boalo jwa lebala, mo go yone gone go na le setlhare se se gakgamatsang, se sentle go feta tlhaloso. Le gone o ne a bona ditlhopho tse dikgolo tsa batho ba ya kwa setlhareng. Ba ne ba batla go utlwa leungo le le galalelang. Ba utlwa le go tshepa gore le tlaa ba neela boitumelo jo bogolo le kagiso.

Se e ne e le tsela e e tshesane e e isang kwa setlhareng, mme fa thoko go ne go na le thobane ya tshipi e e ba thusitseng go nna mo tseleng. Mme gape gone go na le mouwane wa bontho o o kgoreletsang pono ya bone yotlhe ya tsela le setlhare. Mme gongwe le e leng mo go le kotsi thata e ne e le modumo wa setshego se se kwa godimo le tshotlo e e tswang kwa kagong e tona ya kgatshimolo e e mabapi. Mo go gakgamatsang, tshotlo e ne e sita batho bangwe ba ba neng ba gorogile kwa setlhare le go utlwa loungo le le gakgamatsang ba simolola go tlhwa ke ditlhong le go timela.⁶

Gongwe ba simolola go belaela gore setlhare ruri jaaka se ne se

le sentle jaaka ba kile ba akanya.

Gongwe ba simolola go ipotsa ka nnete ya se ba se itemogetseng.

Gongwe ba akanya gore fa ba fularela setlhare, botshelo bo tlaa nna motlhofo. Gongwe ga ba ne ba sotlwa le go tshegwa ka gope.

Mme gongwe, batho ba ba sotlang ba lebega jaaka batho ba ba itumetseng e bile ba na le nako e molemo. Jalo gongwe fa ba tlogela setlhare, ba tlaa mogelwa mo phuthegong e e kgolo ya kago ya kgatshimolo mme ba opelwe legofi go katlholo ya bone, botlhale le botsetseleko.

Nna mo Tseleng

Bokgaitisadi ba ba rategang, ditsala tse di rategang, fa lo bona go le thata go tshegetsang thobane ya tshipi le go tsamaya ka tlhomamo go ya polokong; fa go setshego le tshotlo ya bangwe ba ba lebegang ba baitshepa e dira lo reketele; fa o tshwengwa ke dipotso tsa di sa arabiwang kgotsa dithuto tse o sa di tlhaloganyeng, fa o ikutlwa o le pelo botlhoko ka ntlha ya go kgojwa marapo, Ke go tlhotlheltsa go gakologelwa toro ya ga Lehi.

Nna mo Tseleng!

O se kitla o tlogela thobane ya tshipi—lefoko la Modimo!

Mme fa mongwe a leka go go dira o tlhabiwe ke ditlhong ka go tlhakanela lorato la Modimo, ba tlhokomologe.

O se kitla o lebala gore o ngwana wa Modimo; dikhumo tsa masego di mo mabolokelong; fa o ka ithuta go dira go rata Gagwe, o tlaa tshela le Ene gape!⁷

Ditsholofetso tsa pako le go amogelwa ke lefathse ga di ikanyege, ga di boammaruri, e bile ga di kgotsofatse. Ditsholofetso tsa Modimo di rurifetse, boammaaruri, le boitumelo—jaanong le ka bosenang bokhutlo.

Ke lo laletsa go akanya ka bodumedi le tumelo ya temogo e e kwa godimo. Ga gona sepe se se abilweng mo kagong e kgolo ya kgatshimelo se se ka tshwantshangwang le loungo la go tshela efangele ya ga Jeso Keresete.

Ka mmaanete, "leitlho ga lo ise lo bone, le fa e le tsebe ga e ise e utlwa, le fa e le go tsena mo pelong ya motho, dilo tse Modimo a di baakanyeditseng bone ba ba mo ratang."⁸

Ke ithutle ka bo nna gore tsela ya borutwana mo efangeleng ya ga Jeso Keresete ke tsela ya boitumelo. Ke tsela ya tshireletso le kagiso. Ke tsela ya boammaaruri.

Ke fa bopaki gore ka neo le thata ya Mowa o o Boitshepo, o ka ithuta se ka bo wena.

Go sale jalo, fa tsela e nna thata, ke solofela lo tlaa bona botshabelo le nonofo mo tlhulaganyong e e gakgamatsang ya Kereke: Poraemari, Basadi ba ba Potlana, le Mokgatlho wa Thuso. Ba tswana le dintlha tsa tsela, kwa o shafatsang boikanyego jwa gago le tumelo go loeto le le kwa pele. Ba sireletsegile mo gae, kwa o ka utlwang o le wa teng le go amogela kgothatso go tswa mo go bo kgaitisadi ba gago le barutwana ba bangwe.

Dilo tse o di ithutang mo Poraemari di go baakanyetsa boammaaruri jwa tlaleletso jo o tlaa bo ithutang jaaka mosadi yo o potlana. Tsela ya borutwana e o e tsamayang mo ntlong ya borutelo ya Basadi ba ba Potlana e gogela go bokopano le bokgaitisadi jwa Mokgatlho wa Thuso. Ka kgato nngwe le nngwe mo tseleng, o neelwa sebaka sa tlaleletso go supa lorato la gago go ba bangwe ka ditiro tsa tumelo, bopelonomi, lorato, bomolemo le tirelo.

Go ikgethela tsela e ya borutwana e tlaa go gogela go boitumelo jo bo

sa bolelwang le go ditiragatso tsa tlhologo ya gago ya selegodimo.

Ga e kake ya nna motlhofo. E tlaa tlhoka mo go botoka thata mo o nang le gone—botlhale jotlhe jwa gago, botsipa, tumelo, seriti, nonofo, boikaelelo, le lorato. Mme letsatsi lengwe o tlaa lebelela kwa morago mo boitshokong jwa gago, mme oh, o tlaa itumela jang gore o ne wa nonofo, gore o dumetse le gore o ne wa seka wa tswa mo tseleng.

Tswelela

Go ka tswa go na le dilo tse dintsi ka botshelo tse di fitileng taolo ya gago. Mme kwa bokhutlong, o na le thata go tlhopha gotlhe bowelo le bontsi jwa maitemogelo mo tseleng. Ga se thata nonofo ya gago mme boikgethelo jo bo dirang pharologanyo mo botshelong.⁹

O ka se letlelele diemo go go dira pelo e bothoko.

O ka se ba letlelele go go tlhakanya tlhogo.

O ka itumela gore o morwadie Modimo. O ka bona boipelo le boitumelo mo lethogonolong la Modimo le mo loratong la ga Jeso Keresete.

O ka itumela.

Ke go tlhotlheletsa go tlatsa dipelo tsa lona ka boitumelo go letlotlo le bomolemo jo bo senang selekanyo jwa Modimo. Bokgaitisadi ba me ba ba rategang, lo ka dira se! Ke rapela ka maikutlo a me otlhe a mowa wa me gore lo ka dira boikgethelo go tswelela go setlhare sa botshelo. Ke rapela gore lo kgethe go tsholetsa

lentswe la lona le go dira matshelelo a lona go galalela ga bodiragatsi jwa pako, lo ipela mo go se lorato la Modimo, dikgakgamatso tsa Kereke ya Gagwe, le efangele ya ga Jeso Keresete e ka di tlisang mo lefatsheng.

Pina ya borutwana jwa boammaaruri e ka utlwa e dule mo moloding kgotsa le gone e le kwa godimonyana go ba bangwe. E sale go simologa ga nako, se se ntse sentse jalo.

Mme Rraarona wa Legodimo le go bao ba ba ratang le go mo tlotla, ke pina e e rategang thata e bile e le ntle—pina e e rotloetsang le go itshepisa ya lorato la thekololo le tirelo go Modimo le ba bangwe.¹⁰

Ke tlogela tshagofatso ya me jaaka Moaposetole wa morena gore lo tlaa bona nonofo le bopelokgale go tswelela o itumela jaaka morwadie Modimo fa o itumeletse go tsamaya letsatsi le letsatsi mo tseleng e e galalelang ya borutwana. Mo leineng le le boitshepo la ga Jeso Keresete, amene.

DINTLHA

1. Bona 2 Nephi 2:14, 26.
2. Bona Luke 15:4–6.
3. Boston College, "Study Finds Intractable Conflicts Stem from Misunderstanding of Motivation," *ScienceDaily*, Nov. 4, 2014, sciencedaily.com.
4. Matthew 5:44–45
5. Matthew 5:44.
6. Bona 1 Nife 8
7. Bona "I Am a Child of God," *Children's Songbook*, 2–3.
8. 1 Corinthians 2:9.
9. See "The Most Inspirational Book Quotes of All Time," pegasuspublishers.com/blog.
10. Bona Alma 5:26.